

義

禮

糾

解

儀禮紉解卷之七

安溪王士讓述

大射儀第七

大射者諸侯將有祭祀之事與其羣臣射以觀禮數中者得與於祭不數中者不得與於祭射義曰古者卿大夫之射也必先行鄉飲酒之禮諸侯之射也必先行燕禮燕禮所以明君臣之義故自請賓至爵獻大夫與燕禮同此於五禮屬嘉禮士讓按大射禮天子諸侯皆有之射義云天子將祭必先習射於澤澤者所以擇士也是天子之大射也此篇主言侯國之大射雖所載之官職儀器多與周禮同然放王禮而差等焉不可概爲同也

射而特謂之大。非惟別於鄉射。亦以別於賓射。燕射。見祭爲國之大事也。敖氏指爲諸侯與羣臣飲酒而習射之禮。似與燕射無別。耶備一說。

大射之儀。

他篇言禮。此云儀者。以其儀多。故特顯之。禮者總名。儀則其節文也。

君

有命戒射。

將有祭祀之事。當射。宰告於君。君乃命之。言君有命。政教宜由尊者。

宰

戒百官有事於射者。

天子之大宰作大事則戒於百官。贊王命。此侯國以

司徒兼宰。

士讓按云。戒百官。則佐君所統治者多矣。云有事於射者。則有不事於射者。其不當職。固在不戒之列。卽當職者。或外

射人戒諸

使。或老病。或持服之類。皆所不戒。

公卿大夫射。司士戒士射與贊者。

射人司士在。天子射人掌。

以射法治射儀。司士掌國中之士治。凡其戒命皆司馬之屬也。此侯國當亦如之。上宰既總戒之矣。此殊戒公卿大夫士辨貴賤也。贊佐也。士佐執事不射者。戒期當在祭前旬有一日。既卜時。大宰職所云前期十日。帥執事而卜。日遂戒是也。望溪方氏曰。云戒士射。則知贊者不射矣。用此推之。鄉射贊者。前射三日。宰夫戒宰及有司之類。射皆不與。

司馬射人宿視滌

宰夫。在王官爲大宰之屬。掌百官之徵令者。司馬。在王官

爲政官之卿。凡大射則合其六耦也。宿射前一夕也。滌。謂澆器。埽除射宮。

右戒百官

司馬命量人量侯道與所設。之以狸步。大侯九

十參七十干五十設之各去其侯西十北十、量

司馬之屬。掌量道巷塗數者。侯謂三侯。皆以布爲之。而以皮爲鵠。旁又飾以皮也。量侯道。量侯去物之步數也。之。容也。所以爲獲者之容。身禦矢。狸獸名。其行中六尺之步。其伺物視遠近爲發必中。故量侯道者取象之。步以六尺計也。或曰步者。量器長六尺者之名。刻畫狸形於其上以爲識。大侯。熊侯。謂之大者。與天子熊侯同。視參于二侯爲大。參。參雜之稱。爲制豹鵠而麋飾。天子之卿大夫麋侯。此不用純麋。下於卿大夫也。或曰參以其介於大千二侯之閒名之。干讀爲豳。胡犬名。爲制豳鵠亦豳飾。取其捷黠也。九十七七十五十西北十各言其步也。望溪方氏曰。筋力不可強。而侯道之遠近。豈以貴賤爲差。何也。臯陶陳謨。以六德三德爲有邦有家之

差。蓋居君卿之位，而德器才識不能及遠，則無以馭其衆，臨其屬，故寓其義於射。傳曰：爲人君者，以爲君。鵠爲人臣者，以爲臣。鵠志力不足以稱中鵠，則君卿與有司同罰，以示才德不足以稱位，則不足以任國社，而亦無以安於四民之上矣。位卑者雖力能中遠，而非其鵠，不獲亦教以職，思其居而無越志也。傳所謂射者各射已之鵠，釋者各釋已之志，其此義也歟。士讓按君尊，尚德不尚力，顧以台七成規之弓，而射道九十弓之侯，侯道遠而弓材長，材長則句少，句少則力弱，何以優尊者之巧力歟。曰：侯道九十弓者，位尊則所及宜遠，崇其體也。唯公所中，中三侯皆獲者，所以優尊也。況中離，遂命量人巾車，維綱，揚觶，捆復，公皆釋獲乎。

張三侯。大侯之崇，見鵠於參。參見鵠於干，干不

及地武。不繫左下綱設之。西十北十。凡之用革。

巾車。於天子宗伯之屬。掌裝衣車者。亦使張侯以車有飾。侯亦有飾。從其類也。崇。高也。高必見。鵠。鵠所射之主。鵠之言較。較。直也。射者所以直已志。或曰鵠。鳥名。射之難中。中之爲俊也。淮南子曰。鵠。鵠知來。然則所云正者。正也。亦鳥名。齊魯之間。名題肩爲正。正鵠。皆鳥之捷黠者。考工記曰。梓人爲侯。廣與崇方。參分其廣而鵠居一焉。則大侯之鵠。方六尺。以侯中丈八尺而知之也。參侯之鵠。方四尺六寸大半寸。以侯中丈四尺而知之也。干侯之鵠。方三尺三寸少半寸。以侯中一丈而知之也。其張之之法。則大侯鵠之下畔。與參侯之上綱齊。故見鵠於參。參侯鵠之下畔。與干侯之上綱齊。故見鵠於干。及。至也。武。足迹也。中人之足。長尺二寸。干侯下綱。去地尺

二寸。由此推之，則參侯下綱去地一丈五寸少半寸。大侯下綱去地二丈二尺五寸少半寸也。凡侯北面西方謂之左。不繫左下綱，事未至也。設之西十北十，西北皆去侯十步，各六十尺之數，以避射便也。鄉侯之乏，去侯西三丈，而此六丈者，侯道遠，慮矢之所揚者廣也。用革者，取其堅也。前射三日，張侯設之，欲使與射者豫志焉。士讓按射人職云：諸侯以四耦射，二侯二獲二容，樂以狸首七節三正。本經所奏狸首與射人職同。所用大參干三侯，與射人職異。故疏有云：畿外諸侯亦得用三侯，其數上同於天子，而非畿內諸侯可比。但天子三侯，則虎熊豹侯，諸侯不得。樂人宿縣。宿，前宿也。國君燕樂於其日用虎耳。縣，遂以聲言之。于阼階東，笙磬西面，其南笙鍾。

其南鑄皆南陳

笙猶生也東為陽中萬物以生是以東方鍾磬謂之笙皆編而

縣之全十六枚而在一簾或曰笙磬笙鍾與笙相應者也鑄注云如鍾而大杜預韋昭陳曠俱

云鍾大而鑄小未詳凡奏樂

建鼓在阼階西南

先擊鼓後擊鍾鑄以為節

鼓應鼙在其東南鼓

建猶樹也以木貫而載之樹之附也南鼓謂所伐而

也應聲應朔聲也先擊朔聲而應聲應之聲小

鼓也在東便其先擊小後擊大也鼓本在東而

北縣避主人之位左洗北望溪方氏曰建西

鼓設于阼階西所以辟君降揖卿大夫之位

階之西頌磬東面其南鍾其南鑄皆南陳

成功曰頌

西為陰中萬物所成是以西方鍾磬謂之頌古文頌為庸或曰頌磬與歌同也鍾亦與磬

同。

一建鼓在其南東鼓朔鼗在其北。

朔始也。奏樂先擊西

鼗而東鼗應之。以樂為西賓所由來。朔為倡始也。鼗不言東鼓者省文耳。

一建鼓在

西階之東南面。

此與阼階之西對待者。云南面則南鼓矣。

箛在建鼓

之間。

箛竹也。謂笙簫之屬。倚於堂下文乃管新宮。謂吹箛也。敖氏繼公曰。國君合有三面

樂。東方西方與階間也。階間之縣。東上其鼓西上。以辟射故去其階間之縣。猶存其鼓于故位。

而箛在其間。

士讓按箛在建鼓之間。謂在阼

階西。西階東。兩建鼓之間。即中堂階前下也。故

記曰。匏竹在下。鄉射請射時命遷

鼗倚于頌磬

樂。此箛當於既吹後方辟射位耳。

西絃。

鼗如鼓而小有柄。賓至搖之以奏樂也。絃編磬繩也。設鼗於磬西。倚於絃也。陳氏賜

曰作堂下之樂必先鼗鼓

右張侯設樂

厥明司宮尊于東楹之西兩方壺膳尊兩甒在南有豐冪用錫若絺綴諸箭蓋冪如勺又反之皆立尊酒在北

方壺為諸臣設而膳尊君尊也豐承尊器為字從豆曲聲似豆大而卑斲一大木為之取其安穩此豐若在宗廟或兩君燕亦謂之玷致樽於其上冪覆尊也錫治滑易之細布冬用之絺細葛夏用之箭篠也為冪蓋卷辟綴於箭橫之冪橫綴於箭而從蓋於甒勺亦從加於冪上西柶與箭而午又反之以餘冪反蓋於勺亦為塵之着於勺也皆有

玄酒之尊者、重本也。酒在北、尊統於君、南爲上也。唯君面尊、尊鼻向君、專惠也。燕禮云、尊南上。此云酒在北、互文。士讓按燕禮、冪用綌若錫。此用綌、或隨用其一、或大射禮重、以細者爲尙。歟。

尊士旅食于西罇之南、北面兩圓壺。士衆食也。

未得正祿、謂庶人在官者。圓壺變於方也。賤無玄酒。西縣之罇南、更有一建鼓、而云於罇南者、遙繼罇而言之、以縣爲主。

又尊於大侯之左、東也。其實在鼓南、門西北面。

北兩壺獻酒。爲隸僕人巾車參侯于侯之獲者設也。統於侯、皆東面。獻酒、因祭侯而獻、故名。大侯服不氏之尊、未設者、侯時而陳也。或曰下經服不氏之尊、卽此尊也。於此預言之、因上文連而及之耳。下文設洗于獲者之尊、西北、亦同此義。

士讓按二說從後說爲是。注疏

謂獻為蒞作。解非也。夫諸侯賜圭瓚然後為瓚。未賜圭瓚則資瓚於天子。何其重也。射侯之神雖不宜蒞亦不當用。獻應讀如字。因獻而得名耳。設洗于阼階東。

南壘水在東。篚在洗西南。陳設膳篚在其北。西

面。言南陳者亦西面。言西面者亦南陳。又設洗于獲者之尊西北。

水在洗北。篚在南。東陳。亦因上設洗篚連言之。其實未設也。下經實一

散於篚。卽此篚也。小臣設公席于阼階上。西鄉。篚東陳者南面。

司宮設賓席于戶西南面。有加席。卿席賓東。東上。小卿賓西。東上。大夫繼而東上。若有東面者。

則北上席工于西階之東東上諸公阼階西北

面東上

唯賓及公席布之也其餘在房俟後設之知者以下更有設席之文也小卿命

於其君者也王制次國三卿一卿命於其君小國亦三卿二卿命於其君此言小卿據次國以下則大射通五等侯國明矣或曰卿上大夫也小卿副于卿者中大夫也亦通諸公大國有孤與君論道亦不典職如公矣賓有加席蒲筵加莞席也射禮重於燕故有之設公席不言加亦蒙賓有加席之文也大夫繼而字下疑脫一西字望溪方氏曰賓大夫也以爲賓而有加席與卿同優之也卿之重席陳而不設以卿終辭且諸公無加席而卿之加席久設于其位非所宜也士讓按此叙次席位文先從東起而後及南止先公者尊公也賓席先卿與小卿叙之

者賓席定而後賓東賓西之文有所屬也且以
公及賓席先重餘尚在於房中故也夫大饗而
東上則以次而北面矣東面者北上則北面西
以南矣席工則南方位定矣席諸公則南之東
與公席切近矣按圖而玩官饌百官各饌其
其位次蓋四方如環焉所當共之物

右陳器設位具饌

羹定

亨肉熟也射義曰諸侯之射也必先行燕禮燕禮牲用狗

射人告具于

公公升卽位于席西鄉

先升卽位而後納賓

小臣師納諸

公卿大夫諸公卿大夫皆入門右北面東上士

西方東面北上太史在干侯之東北北面東上

士旅食者在士南北面東上。小臣師從者在東

堂下南面西上。

太史在于侯東北。士旅食者在士南。為有侯入庭深也。燕禮士

旅食者立于門西東上。繼門而言與此異。小臣

師正之佐也。正相君出入君之大命。士讓按

太史在侯東北。以職宜數射中事未至。故位在

此。下文云祝史小臣師亦就其位而獻之。燕禮

云祝史立于門東北面東上。此不言祝位。或省

文。又燕禮云小臣師一人在東堂下南面。彼但

言一人不言西上。此言從者。公降立于阼階之

言西上。則小臣師為上可知。

東南南鄉。小臣師詔揖諸公卿大夫。諸公卿大

夫西面北上。揖大夫。大夫皆少進。

燕禮言爾。此言揖者。以八

庭深已爾近告故詔以揖也。上言大夫大夫四字疑衍文。以大夫與公卿面有異。下有別言揖大夫大夫皆少進也。

右卽位

大射正擯

射人之長也。主於射。射官為多。故以長者擯。

士讓按大射禮。擯者

請賓公曰命某為賓

某大夫名。

擯者命賓賓少進禮

辭

命賓者東面南。顧辭辭以不敏。

反命又命之賓再拜稽首受

命擯者反命賓出立于門外北面

士讓按君無二命臣必謙

卑而後共命臣之節賓之義皆應爾。門外射宮門外也。當更以賓禮入。望溪方氏曰燕以示

慈惠故曰許諾。大射以辨等威。故曰受命。文無微而不辨也。公揖卿大夫升

就席。小臣自阼階下北面請執冪者與羞膳者。

請士可使執君兩鬴之冪及羞脯醢庶羞於君者。方圓壺獻俱無冪。乃命執冪者。

執冪者升自西階立于簠南北面東上。命者於西階前

以公命命之。東上執玄尊之冪爲上。羞膳者從而東由堂東升自北階立于房中西面南上。

膳宰請羞于諸公卿者。膳宰請者異於君不言命於臣畧之。

右請立賓及執事者

擯者納賓賓及庭公降一等揖賓賓辟。辟者逡遁不敢

當盛望溪方氏曰公之降揖回而燕禮賓不
辟何也燕主溥惠於羣臣立一人以爲賓禮猶
輕大射擇士以祭賓有加席升奏肆夏奠爵執
爵而樂闋且上擬於君故於君初接見時退辟
以見其不敢當禮也公升卽席以賓將與主人
敢當禮也公升卽席爲禮不參之奏肆夏

肆夏

杜子春引呂叔王說以爲周頌時邁篇取詩中
明昭式序求懿德肆時夏得宣著王德勸賡之
義未知確否周禮曰賓出入奏肆夏春秋傳云
肆夏之三天子以享元侯三者肆夏也樊遏也
渠也此惟奏肆夏而不及繁遏渠其辟天子之
享禮歟爲賓奏之疑當作西方之縣賓升
自西階主人從之賓右北面至再拜賓答再拜
主人宰夫也又掌賓客之獻飲食君
於臣雖爲賓不親獻以其莫敢亢禮

右納賓

主人降洗洗南西北面。

賓將從降鄉之。不於洗北。辟正主。鄉飲酒鄉射。

主人洗北南面。

士讓按燕禮大射禮皆君在

降。宰夫若於洗北南面則背君故在洗南西北

面不敢背君

亦不背賓也。

賓降階西東面主人辭降賓對主

人北面盥坐取觚洗賓少進辭洗主人坐奠觚

于篚興對賓反位。

獻不用爵辟正主少進辭者宜違其位乃反位。主人

卒洗賓揖升。

賓先升者尊也。

主人升賓拜洗主人賓右

奠觚答拜降盥賓降主人辭降賓對卒盥賓揖

升主人升坐取觚

賓尊故每先升主人取觚將就五觴酌膳

執冪者

舉冪主人酌膳執冪者蓋冪酌者加勺又反之

反之筵前獻賓賓西階上拜受爵于筵前反位

主人賓右拜送爵

賓既拜於筵前受爵退復位

宰胥薦脯醢

宰胥宰官之吏也燕禮膳宰薦此不主於飲酒變於燕

賓升筵庶子設折

俎庶子司馬之屬掌正六牲之體者賓之俎實解已見燕禮篇不使膳宰設俎為射變於燕

賓坐左執觚右祭脯醢奠爵于薦右與取肺坐

絕祭齊之興加于俎坐挽手執爵遂祭酒興席

末坐啐酒。降席坐奠爵。拜告。旨執爵興。主人答

拜。

降席。席西也。旨。美也。

樂闕。

闕。止也。賓及庭奏肆夏。至升堂飲酒。乃樂止。是尊賓之禮。

盛於堂上也。按郊特牲。賓入門而奏肆夏。卒爵而樂闕者。彼謂來朝聘者。此燕已。臣子法。故啐酒而樂闕。三禮館議。此時歌工猶未入也。足以明金奏之非歌章矣。

賓西階上

北面坐。卒爵。興坐奠爵。拜執爵興。主人答拜。

卒爵。

必于西階者。以向者于此拜受也。

右主人獻賓

賓以虛爵降。

既卒爵。將酢也。

主人降。賓洗南西北面坐。

賀觚少進辭降。主人西階西東面少進對。賓坐

取觚奠于篚下盥洗。篚下篚南賓必西北面以主人在西階西宜鄉之也

主人辭洗。賓坐奠觚于篚興對。卒洗及階揖升。

主人升拜洗如賓禮。主人亦後賓升賓降盥主人降賓

辭降。卒盥揖升酌膳執事如初以酢主人于西

階上。主人北面拜受爵。賓主人之左拜送爵。賓南

面授爵乃於左拜主人坐祭不啐酒。辟正王也

凡授爵鄉所受者主人坐祭不啐酒。未薦者臣也。
不拜酒。主人之義也亦不告肯可知遂卒爵興坐奠爵拜

執爵興賓答拜。主人不崇酒。以虛爵降奠于篚。
不崇酒。辟正君。賓降立于西階西東面。既受獻矣。擯者不敢安盛。爾雅以命升賓。賓升立于西序東面。命公命也。爾雅釋宮東西牆謂之序。燕禮不言以命此詳之。

右賓酢主人

主人盥洗象觚。升酌膳。東北面獻于公。
象觚。觚有象骨飾者。

士讓按君在阼面尊則酌者宜東面。必東北面獻者。臣道也。公拜受爵。乃

奏肆夏。
賓及庭奏。君受爵乃奏。乃者緩辭也。士讓按君緩於奏樂者。君雖尊有主道。

主人降自西階。阼階下北面拜送爵。宰行薦脯

醢。由左房。庶子設折俎。升自西階。

左房東房也。敖氏曰堂上。

之薦皆由左房。特于君見之下。經庶子正徹公

俎。當亦庶子正設之。鄉射記曰主人俎脊者臂

肺。公位尊。疑當用肩。士讓按射在射宮。乃郊

之大學也。制亦有左右房。望溪方氏曰燕禮

轉獻公獻賓設俎者皆膳宰。大射禮重轉以宰

胥庶子薦設。以士皆與射。故薦設用不與射者

公祭如賓禮。庶子贊授肺。不拜酒。立卒爵。坐奠

爵拜。執爵興。

凡異者。君尊變於賓。

主人答拜。樂闋。升受爵。

降奠于篚。

士讓按公卒爵而后樂闋。異于賓。降酒而樂闋。後奏之。必後闋。雖由樂之

節奏長短則然亦以優公

右主人獻公

更爵洗升酌散以降酢于阼階下北面坐奠爵

再拜稽首公答拜

更易也易爵不敢褻至尊故氏云此亦當酌膳云散誤也

士讓按燕禮主人酌膳者明酢之意出於君此更爵酌散者或大射與燕有異同在主人自處不敢渥主人坐祭遂卒爵興坐奠爵再拜稽

首公答拜主人奠爵于篚

右公酢主人

主人盥洗升媵觚于賓酌散西階上坐奠爵拜。

賓西階上北面答拜。

媵送也散方壺之酒

主人坐祭遂飲。

賓辭卒爵興坐奠爵拜執爵興賓答拜。

鄉飲酒鄉射主

人酬賓皆坐卒解此代君宜立飲今坐飲故辭之

主人降洗賓降主人

辭降賓辭洗卒洗賓揖升不拜洗。

不拜洗酬禮役

主人

酌膳賓西階上拜受爵于筵前反位主人拜送

爵賓升席坐祭酒遂奠于薦東。

奠者酬酒不舉也遂云者因坐

而奠之不北面也與飲射異。

士讓按鄉飲

主

射酬酒無祭此與燕禮皆坐祭尊君物也。

人降復位。賓降筵西東南面立。

東南面立，嚮君也。不于序內，位

彌尊禮彌卑

右主人酬賓

小臣自阼階下請媵爵者。公命長。

命之使選於長幼之中也。

卿則尊士則卑。觀下文使下大夫是取尊卑處中者。望溪方氏曰：長謂五大夫爵列之尊者。故小臣以次作二大夫而不復請於君也。公為公卿舉旅曰：若賓若長，則非以長幼言可知。

小臣作下大夫二人媵爵。媵爵者，阼階下皆北

面再拜稽首。公答拜。

作使再拜稽首，拜君命。

媵爵者立于

洗南、西面北上。序進盥，洗角觶，升自西階，序進

酌散，交于楹北，降，適阼階下，皆奠觶，再拜稽首。

執觶興，公答拜。

序，次第也。先者既酌，右還而反，與後酌者交于西楹北，相右，俟

于西階上，乃降。往來以右爲上也。盥洗時宜北面，酌散時宜向君東面也。媵爵者皆

坐祭，遂卒觶，興，坐奠觶，再拜稽首，執觶興，公答

再拜。媵爵者執觶待于洗南。

待，待君命。

小臣請致者。

請君使一人與二人與，不敢必君命。

若命皆致，則序進奠觶于篚。

阼階下皆北面再拜稽首。公答拜。媵爵者洗象

觶升賓之序進坐奠于薦南北上降適阼階下
皆再拜稽首送觶公答拜。既酌而代進往來由
尊北交於東楹北亦
相有奠於薦南不敢必君舉也既降自西階乃
東行而適阼階下
士讓按凡不舉者於左此
君在阼西向南為左此二觶一則公舉
以為賓舉旅一則留為賓若長舉旅
皆退反位。及門右少
進北面位

右媵爵于公

公坐取大夫所媵觶與以酬賓賓降西階下再
拜稽首小臣正辭賓升成拜。正長也燕禮小臣
辭此使小臣長辨

尊卑也。升成拜復再拜稽首。先時君辭之於禮。若未成然。士讓按興以酬賓。注云公起酬賓於西階。敖氏云興立於席。舉觶鄉賓而酬之。不下席者。君尊也。玩公無就西階之文。下又無反位之文。敖氏為優。公坐奠觶答拜。執觶興。公卒觶。賓下

拜。小臣正辭。賓升再拜稽首。

不言成拜者為拜故下賓未拜也下

不輒拜者禮殺也下亦降也

公坐奠觶答拜。執觶興。賓進受。

虛觶降翼于篚。易觶興沈。

賓進以臣道也于君受虛爵君不親酌

公有命則不易。

士讓按臣欲易者尊君不敢易也。有命則不易者亦尊君命也。

不洗。反升酌膳。下拜。小臣正辭。賓升再拜稽首。

公答拜。

不易者君義不洗者臣禮。禮自勝爵至此。凡臣再拜稽首。公皆答。

士讓按燕

再拜。此射禮。公只答一拜。或疑爲省文。然自勝

爵至此。禮儀多矣。何獨於再拜之交省之。疑燕

主洽情。故答再拜。射主辨分。

賓告于擯者。請旅

故每答一拜。如疏所云也。

諸臣擯者告于公公許。

旅。序也。賓欲以次序勸諸臣酒。

士讓按燕禮

無此段文。故燕記補之。此大射禮體崇。故尊公

之義尤備。望溪方氏曰。祭祀賓客。獻酬本無

或遺。而燕射舉旅。必使賓請者。自賓言之。則不

敢專惠。自君言之。則推惠於賓。而使決于上下

也。類而推之。公卿之請。所以推惠於公卿。而使

決于諸大夫也。大夫之請。所以推惠於大夫。而

使決於羣士也。士舉旅而後獻庶子。有司則士

之請。又推惠於士。而以決於庶子。有司也。惟賓

之請見於經而燕禮記曰凡公所酬既拜請族
侍臣蓋據公卿大夫士舉旅受爵者而言互文
以見賓以旅大夫于西階上擯者作大夫長升
義受旅作使也使之以長幼賓大夫之右坐奠觶
拜執觶興大夫答拜賓位在左而在大夫之右
位賓坐祭立卒觶不拜酬而若膳觶也則降更
也禮役觶洗升實散大夫拜受賓拜送遂就席公優所
使得用象觶而不可遞及乎他是以更用角觶
旅酬而洗者亦為更觶新之也餘則不洗賓既
拜送則就席望溪方氏曰公大夫辯受酬如
命不易主恩也賓更觶臣禮也大夫辯受酬如

受賓酬之禮不祭酒卒受者以虛觥降奠于館

復位

復位復門右少進北面之位也

右公爲賓舉旅

士讓按燕記凡公所酬皆栗階此當亦然

主人洗觚升實散獻卿于西階上

酬而後獻卿飲酒成於酬

君禮成卿乃得獻

司宮兼卷重席設于賓左東上

房來席自

上文設席樹之於後耳至獻乃布之

卿升拜受觚主人拜送觚卿

辭重席司宮徹之

重席雖非加猶爲其重累辭之辟君乃薦脯醢

卿升席庶子設折俎

卿折俎未詳何骨以尊卑相次推之公用肩賓用臂

諸公宜用膾卿宜用膊也。若無公則卿蓋用脊。
膾折肺燕禮卿無俎此有之射禮重也。

溪方氏曰不言薦脯醢者以庶。
子設折俎推之其為宰胥可知。卿坐左執爵右

祭脯醢奠爵于薦右與取肺坐絕祭不啗肺與

加于俎坐悅手取爵遂祭酒執爵與降席西階

上北面坐卒爵與坐奠爵拜執爵與。
陳酒肴者君之惠不

自貶于賓。
主人答拜受爵卿降復位。
復西面位不酢辟君

辯獻卿主人以虛爵降奠于篚。擯者升卿卿皆

升就席。
擯者升之尊卿以其同班故相需。若有

而後就席大夫之就席也亦然。

諸公則先卿獻之如獻卿之禮。席于阼階西北面東上。無加席。公孤也。席之北面爲其太尊屈親寵苟敬私昵之坐。亦因阼階上近君近君則階若加席則上擬於君。故設時本無加席。不待其辭。士讓按大射賓有加席視燕爲優而公仍無加席下同於卿大夫。

右主人獻孤卿

小臣又請媵爵者。二大夫媵爵如初。請致者。若命長致。則媵爵者奠觶于篚。一人待于洗南。長致者阼階下再拜稽首。公答拜。命長致者使長一人致也。公或

時未能舉自優服故云若也一人
其不致者也再拜稽首拜君命也
洗象解升實
之坐奠于薦南降與立于洗南者二人皆再拜
稽首送解公答拜
奠于薦南先勝者上解之處
也二人皆拜如初共勸君飲
之

右再勝爵

公又行一爵若賓若長唯公所賜
一爵先勝者
之下解也若
賓若長禮殺也長孤卿之尊者於是言
賜射禮明尊卑也燕禮云唯公所酬
以旅于
西階上如初大夫卒受者以虛解降奠于篚
賓賜

則以酬長。賜長則以酬賓。大夫長升受旅以辯。
士讓按初舉旅及再舉旅所酬者惟于堂上
有席者而止士卑在堂下無席
獻尚在射後而酬自未之及。

右公爲賓若孤卿舉旅

主人洗觚升獻大夫于西階上大夫升拜受觚

主人拜送觚大夫坐祭立卒爵不拜既爵主人

受爵大夫降復位。不拜既禮胥薦主人于洗北

西面脯醢無胾。胾宰官之吏主人分在大夫下
先大夫薦之尊之也不薦于堂

上無其位且辟辯獻大夫遂薦之繼賓以西東

上若有東面者則北上卒擯者升大夫大夫皆

升就席

言繼賓以西則小卿此時乃得獻可知前經既言大夫繼而西東上若有東面

者則北上此復言之者前虛擬其位至此始布其席也

右主人獻大夫

士讓按自主人獻賓至此惟賓備獻酢酬之正禮由是漸

殺孤卿至舉旅而停大夫至獻薦而停士則獻薦旅俱未及之蓋禮主於射方作樂以和其志而飲禮固未暇徧也

乃席工于西階上少東小臣納工工六人四瑟

工替矇也平時則諷誦詩作樂則依於瑟所謂曲合樂曰歌也六人太師少師各一人上工四

人四瑟者禮大樂衆也。燕禮之工只四人。僕人正徒相大師僕人師

相少師僕人士相上工。徒空手也。僕人正僕人

也。天子眠睪相工諸侯兼官是以僕人掌之。大

師少師工之長也。凡國之瞽矇正焉。檀弓杜蒯

曰曠也大師也是也。於是分別工及相者射禮

明貴賤也。三禮館議大師必言徒相者見大

師少師爲歌者且卽下經所謂後者也。少師亦

後者而不言徒相可知也。士讓按擯詔有小

臣正復有小臣師相工有僕人正復有僕人師

正。注皆云長師。注皆云佐。詳見周官小宰職。

相者皆左何瑟後首內弦。擗越右手相。謂相上

弦。擗越以右手相工由便也。越瑟下孔所以發

越其聲者。陳氏賜曰後首者不面鼓。面鼓者不

後首後首者擄越面鼓者執越鄉黨之禮射主

樂而飲主禮故鄉射面鼓飲酒後首朝廷之禮

燕主樂而大射主禮後者徒相入謂相大師少

故燕面鼓大射後首師者也上列

官之尊卑此小樂正從之從大師也後升者變

言先後行次於燕諸侯小樂正下

士也飲射燕三篇不言小者此樂升自西階北

盛於彼且用小樂正則彼可知矣相者也降立於西

面東上工六坐授瑟乃降縣之北近其事小

樂正立于西階東亦後升不乃歌鹿鳴三終謂

鳴之什三篇篇各一終如春秋傳所謂工歌鹿

鳴之三是也士讓按注云歌鹿鳴三終而不

歌四牡皇皇者華主於講道畧於勞苦與諮事

然從來云三終者皆兼三篇非三章也大射放

燕禮不言四牡皇

皇者華省文耳。

主人洗升實爵獻工。工不興。

左瑟。

工歌而獻之。以事報之也。工不興。不能備禮。左瑟。便其右受爵也。大師無瑟。於是言

左瑟。見獻之節候耳。

士讓按此亦疑只為大師洗耳。餘皆不洗。獻亦仍用觶。通言之。稱爵。

一人拜受爵。

謂大師也。工拜於席。

主人西階上拜送爵。薦

脯醢。

輒薦之也。

使人相祭。

相其祭。薦祭酒。

卒爵不拜。主人受

虛爵。衆工不拜受爵。坐祭。遂卒爵。辯有脯醢。不

祭。

相者相其祭酒而已。

主人受爵。降奠于篚。復位。大師及

少師上工皆降。立于鼓北。羣工陪于後。

鼓北。西。南。不。

云鐃南者嫌於尊旅食者之意同也。鐃近于鼓
 不取節於鐃者鼓大鐃小也。鼓長六尺六寸。工
 面與鼓面齊。鼓有餘長在人後矣。羣工陪于後
 三人爲列也。於時少樂正亦降立于其南。北面
 工立。僕人立于其側。同面稍後。士讓按。敖氏
 云。羣工卽上工瑟者四人也。二師列前。羣工四
 人列後。
乃管新宮三終。
 樂其篇亡。其義未聞。笙
 從工而入。吹笙者亦吹管。笙管相將也。旣管不
 獻。畧下樂也。立于兩縣之中。此不笙。不合鄉樂
 者。爲射故畧於樂也。不畧小雅者。小雅爲諸侯
 之正樂。故不畧。亦如鄉射之不畧鄉樂矣。
 望溪方氏曰。春秋傳魯叔孫婁聘于宋。宋公享之。
 賦新宮。昭子賦車韋。則新宮有詞。與南陔六篇
 異。穆亭李氏曰。管惟天子諸侯得用之。若卿
 大夫則但有笙入之節。而無下管之節也。
 三

禮館議。燕禮記云。升歌鹿鳴。下管新宮。其時歌工不降。則管工與歌工異人。決矣。敖氏謂卽大師管。卒管。大師及少師上工。皆東。圻之東南。西面北上坐。圻。東南。當在東縣之東北。射事未至。工既管。乃遷於此者。堂上之樂畢故也。

右樂賓

擯者自阼階下請立司正。三爵既備。上下樂作。若將留羣臣射。宜立

司正以監之。祭儀法也。敖氏繼公曰。公許。擯

君再舉旅而卽請立司正。爲射故也。公許。擯

者遂爲司正。音許其請。因命用之。不易。司正適

之者。俱相禮其事同也。

洗洗角觶、南面坐奠于中庭。

燕禮及此大射禮司正不以觶升而

奠之于地者著其位以顯其事中庭亦阼階前南北之中

升東楹之東受命

于公西階上北面命賓諸公卿大夫公曰以我

安賓諸公卿大夫皆對曰諾敢不安

以我安者君意慇懃

欲留之以我故安也

司正降自西階南面坐取觶升酌散

降南面坐奠觶

奠于中庭

興右還北面少立坐取觶

興坐不祭卒觶奠之興再拜稽首左還南面坐

取觶洗南面反奠于其所北面立

皆所以自昭明於衆也將

於解南北面則右還。於解北南面則左還。如是得從解西往來也。必從解西往來者，為君在阼，不背之也。

右立司正

司射適次，袒決遂，執弓，挾乘矢於弓外，見鏃於

弣，右巨指鈎弦。

司射主射教者。次，張幃席為之。所謂耦次也。在洗東南。大射設

次于東，故不適堂西。方持弦矢，曰挾。謂橫之於二指之間也。弣，弓弛也。見鏃，順其射也。右巨指右手大擘，以鈎弦。弦在旁，挾出便也。望溪方氏曰：大射有次，何也？鄉射與者，少壯有力之士為多。大射則公卿大夫皆與焉。老者立而待事，必有所休息，以安其筋骸。貴者降于階庭，必有

所隱蔽以肅其體貌。又鄉射舉于春秋而擇士以祭則于冬夏。嚴冬烈日勢不可以無次也。士讓按鄉射無次。凡備射事必于堂西。不于堂東者。尊賓。此君在阼主之立賓為行禮耳。故次設于東方。自阼階前曰為政請射。為政謂司馬統于君也。政者。周禮夏官其屬六十掌邦政。射人其所屬者。或曰為去聲。言為政典而請射也。國之大事在祀與戎。故於禮辭特著其義曰為政亦通。士讓按鄉射先告于賓而後告主人。此大射體崇公主之故不遂告曰大夫與大夫士御於大告于賓賓臣也。夫因告選耦於君御猶侍也。大夫與大夫為耦不足則士侍於大夫以備耦。此以在堂上為耦之法告公云大夫兼公卿言望溪方氏曰以士御于大夫推之公卿不能成耦者亦以大

夫御可知

遂適西階前東面右顧命有司納射器

東面

者君在阼宜向之右顧者以有司佐執事是士士在西階南東面是以司射右顧命之敖氏云有司其士射器皆入君之弓矢適東堂賓之弓

旅食者歟矢與中籌豐皆止于西堂下衆弓矢不挾總衆

弓矢楅皆適次而俟

中、大射於郊則間中也中所以盛算籌算也豐可奠

射爵者衆弓矢三耦及卿大夫以下弓矢也司射矢亦止西堂下衆弓矢不挾則納公與賓弓矢者挾之楅承矢器教氏繼公曰衆弓矢不挾以其多也總謂以物合而束之也中籌豐在堂西楅在次各近其所設處也工人士與梓人升自北階兩楹

之閒疏數容弓。若丹若墨，度尺而午射正，泣之。

工人士梓人皆司空之屬，能正方圓者。一從一橫曰午，謂畫物也。鄉射記謂橫與距隨是也。但未知從者橫者，若爲用丹，若爲用墨，或科用其一耳。度尺者，卽鄉射記從如筈三尺，橫如武尺二寸是也。射正，司射之長，射事至，乃畫物，亦君禮異也。望溪方氏曰：兩物左右相去六尺，然後射耦張臂挾弓矣。乃有餘地，又司正命去侯物閒可容其立也。士讓按：升自北階，不由西階者，賤也。亦卒畫自北階下。司宮埽所畫物，自北階下。埽物，重射事也。工人士梓人司宮位在北堂下。士讓按：司宮所執皆瑣事，益知注疏以諸侯司宮當天子小宰之誤。

大史俟于所設中之西東

面以聽政。

大史掌釋獲數射中者是時中尙未設大史侯事於此鄉射禮曰設中南

當楅西當西序東面又曰司射先立於所設中

之西南此大射則大史先侯于此禮變望溪

方氏曰此聽政與上爲政請射相應其坐作進

退趨立呼唱比次誓命視聽之節卽軍政所隱

寓也司射西面誓之曰公射大侯大夫射參士射

也

干射者非其侯中之不獲卑者與尊者爲耦不

異侯大史許諾。

誓猶告也賓與君爲耦同射大侯士與大夫爲耦同射參侯以

其旣與尊者爲耦不可使之別侯也二禮館

議此再射以後之射法也而先誓于衆猶前告

公備耦亦再射以後之耦法皆尊君也不曰命

而曰誓蓋以軍禮行之故大史曰聽政士讓

按注引鄉射設中、南當楅、西當楅、序東面、則遂

是大史東面聽政、司射西面命之、蓋兩相當、

比三耦、射前戒之、故立于此以待比、

三耦俟

于次北、西面北上、

堂西何也、既設次、則耦位在

次、于取弓矢便也、俟于次之北何也、便其入司

也、此乃未比時之位、既比則位于次中矣、射命上射曰、某御於子、命下射曰、子與某子射、

卒、遂命三耦取弓矢于次、

或曰、取弓矢不拾者、

也、亦命之讓取弓矢拾、又不具耳、三耦既取弓

矢、遂立于次中、西面北上、士讓按注疏以三

耦指大夫士、不如敖氏指士為確、蓋比三耦

在堂下、大夫此時俱在席、無有俟于次北者、

右請射

司射入于次，搢三挾一个出于次，西面揖，當階

北面揖，及階揖，升堂揖，當物北面揖，及物揖。由

下物少退，誘射。由下物而少退，以其亦射大侯，故不履下物者，為辟君也，足不

履物，故亦不言俯正足。士讓按鄉射無次，耦

位在司射之西南，故司射誘射，初揖東面，上耦

揖進亦東面。此有次設于東方，故司射誘射，西面揖，下經上耦出次，揖進亦西面。射三

侯，將乘矢，始射干，又射參，大侯再發。將，行也。行四矢，象有

事於四方，始射干，誘射主三耦干，士所射故。大侯再發，以其尊異之。卒射，北面揖。

揖於當物之處。不南面。異於鄉射。望溪方氏曰。鄉射之主人。州長也。故司射南面而揖。大射君在阼。司射在堂。而南面對君。以揖則義必不可。蓋臣在君所。奉命而執事時。或南面。司馬揚弓。筮人抱書之類。是也。及階揖降。如升射之儀。行禮則未有不北面者。遂適堂西。改取一个挾之。改更也。不射而挾矢。示有事也。遂取扑搯之以立于所設中之西南東面。扑。所以撻犯教者。鄉射司射先就位。乃誘射。此誘射卒。始著立位者。由初有次可止故也。鄉射司射之弓矢與扑倚于西階西。此當亦然。

右誘射

司馬師命負侯者執旌以負侯。

司馬師正之佐也。天子服不氏。

下士一人，徒四人，掌以旌居之待獲。三禮館議不曰獲者，而曰負侯者，此獲則彼負，每侯皆兩人相代爲之，故時易其稱焉。命負侯與命去侯亦異，人官多也。

負侯者皆適

侯，執旌負侯而俟。司射適次，作上耦射，司射反

位。

皆皆適三侯也，作使也，前此已命三耦取弓矢于次位，中南之位。

上耦出次

西面揖進，上射在左，並行當階北面揖，及階揖。

上射先升三等，下射從之，中等。

宋猶開也。

上射升堂

少左，下射升，上射揖，並行皆當其物，北面揖，及

物揖。

並併也。併東行。

皆左足履物。還視侯中。合足而俟。

視侯中各視其侯之中。士耦視于中。十尺。

此時只有士耦。未有大夫耦也。知于中十尺者。

干侯道五十弓。弓取二寸。

司馬正適次。袒決遂。

以為侯中二五則一十也。

執弓。右挾之。出。升。自西階。適下物。立于物閒。左

執肘。右執簫。南揚弓。命去侯。

司馬正者。疏云天。子大司馬卿一人。

小司馬中大夫二人。此諸侯禮。亦應有大司馬。

號為司馬正也。敖氏云。司馬正與司馬師。乃射

時所立之官。如司射之類也。未知孰是。適下物

由上射後東過也。簫弓末。揚弓者執下末。揚猶

舉也。命去侯者。將射當獲也。鄉射禮曰。西南面

立于物閒。此亦當然。士讓按鄉射。司馬不決

遂袒執弓、彼以不射故不備、此亦
不射、或大射禮崇、故亦決遂與、
負侯皆許諾

以宮、趨直西、及之南、又諾以商、至之、聲止、
宮為君、商為

為臣、聲和相生也、鄉射執旌許諾、聲不絕、不以

宮商、
士讓按雖非作樂、而樂之道行焉、非歌

非謠、而輕重清濁中節、故藉宮商名之、
三禮

館議、耦拾取矢于楅鄉射則左還而周、大射則

左還毋周、所謂周還中規也、此負侯趨

直西、至之南、乃折北、所謂折還中矩也、授獲者

退立于西方、獲者與共而俟、
執授之、負侯者授

字蓋交脫耳、校旌而退立于西方、各當其之

西、
繳注云服不氏負侯、徒一人居之、相代而獲

司馬正出于下射之南、還其後降自西階、遂適

次釋弓說決拾襲反位。

拾遂同。司馬正反位立。于司射之南。三禮館

議。司馬正於此始定其位。然則司馬師之位亦宜近之。如小史之與大史與。士讓按必曲折

矩行者明為上下射。命去侯如鄉射禮。

司射進與司馬正交于階

前相左由堂下西階之東北面視上射。命曰毋

射。獲毋獵獲。上射揖。司射退反位。

射獲矢中乏也。從旁為獵。

乃射。上射既發挾矢而后下射射。拾發以將乘

矢。

拾更也。獲者坐而獲。此指在干侯之乏者也。士讓按射者非其侯

中之不獲此宜射于方唱獲參大非其候也。

舉旌以宮。偃旌以商。言等

獲也。獲而未釋獲。但言獲，未釋算。卒射右挾之北面揖。揖

如升射。

右挾之，右手挾弦。士讓按鄉射誘射者卒射，南面揖，三耦之初耦卒射，亦南

面揖。此大射皆北。上射降三等。下射少右從之。

中等並行。上射於左，與升射者相左，交于階前。

相揖。適次釋弓，說決拾，襲反位。凡升降皆上射為先，上射皆在

左。諸侯階有七等，言降三等者，欲明下射中等是降一等之上下也。下射過西畔由右，故上射

至地待之，乃得二人並行。上射於左也。位次中之位也。亦西面北上。前命三耦取弓矢于次，不

言袒至此襲，則前袒可知。三體館議既云適次，又云反位者，明位在次中之北也。所以在北

大射儀

者以其南當容公卿大夫及士衆耦之位也。下經云一耦出則此時入次明矣。三耦卒射亦如之。

右初射獲而未釋獲

司射去扑倚于階西適阼階下北面告于公曰

三耦卒射反搢扑反位。凡升堂必去扑不敢佩刑器卽尊者側也此不

升堂亦去扑者君尤尊也司馬正袒決遂執弓右挾之出與

司射交于階前相左。出出于次也袒時入次取弓凡袒襲皆於隱處升

自西階自右物之後立于物閒西南面揖弓命

取矢。負侯許諾。如初去侯。皆執旌以負其侯而

俟。揖推之也。如初去侯。謂許諾以宮商至之聲。止也。執旌者。侯小臣取矢。以旌指教之。三耦

所射。于侯而已。而三侯之負侯者。皆執旌。以往者。卑統於尊。且矢亦或有遠近也。司馬

正降自西階。北面命設楅。出于下射之南。還其後而降。楅南面。故北

面命。小臣師設楅。司馬正東面。以弓爲畢。畢。所設之。以教

助執事者。執弓爲畢。以指授。若周禮執爓。以爲

鞭度者然。士讓按畢。西方宿。形曲有柄。弓形

象之射時。舉射器。如堂上三筭。楚扑馬正適次。釋弓。說決拾。襲反位。小臣坐委矢于

楅北括司馬師坐乘之

乘四四數之也

卒若矢不備則

司馬正又袒執弓升命取矢如初曰取矢不索

乃復求矢加于楅卒司馬正進坐左右撫之興

反位

左右撫分上下射皆北而乘矢與撫矢異人者諸侯官多大射禮盛也

右取矢

司射適西階西倚扑升自西階東面請射于公

倚扑者將卽君前不敢佩刑器也升堂者欲諸公卿大夫皆聞也

公許遂適西

階上命賓御于公諸公卿則以耦告于上大夫

則降卽位而後告

告諸公卿于堂上尊之也

司射自西階上

北面告于大夫曰請降司射先降搢扑反位大

夫從之降適次立于三耦之南西面北上

以諸公卿

在上故請大夫降鄉射主人與賓皆卑故大夫

未降與此異也適次入次也注次前西面立恐

非是三耦士也而在大夫上以其先射尊之

三禮館議鄉射之大夫司射告耦于上又向其

位而告之此之告公卿同以其皆席于賓東故

也鄉射之三賓司射惟作之射又北面作之此

之告大夫同以其皆席於賓西故也云大夫適

次立于三耦之南此時三耦未出次也大夫立

于耦南在次中明司射東面于大夫之西比耦

矣教氏說比注優

大夫與大夫。命上射曰。某御於子。命下射曰。子

與某子射。卒遂比衆耦。衆耦士也。衆耦立于大夫之

南。西面北上。若有士與大夫爲耦。則以大夫之

耦爲上。國皆有三卿五大夫。而使士備耦者。卿

耦也。爲上者大夫耦。若羣士之上。命大夫之耦曰。子與某子射。

告于大夫曰。某御於子。士雖爲上射。命辭猶尊大夫也。命衆耦。

如命三耦之辭。諸公卿皆未降。諸公卿尊宜事至乃降也。遂

命三耦各與其耦拾取矢。皆袒決遂執弓右挾

之命。注云命入次。三禮館議拾取矢謂取之

于楅也。按大射既有射次別無次外之位。惟

初比三耦時三耦俟于次北正謂將入次而即

位耳。非以次北為位也。此時三耦與大夫之耦

士衆耦皆比矣。此三耦本在次中又一耦出西

何待司射命之而後入次哉。注恐誤。一耦出西

面揖當楅北面揖及楅揖。三耦同入次其出也

射作之乃揖行也。當上射東面下射西面上射

楅楅正南之東西。揖進坐橫弓卻手自弓下取一个兼諸附與順

羽且左還毋周反面揖。橫弓者人北面弓東西

向為橫也。卻手自弓下

取矢者以覆左手執射右手從裏取之便也。兼

并也。并矢於附當順羽既又當執弦順羽者手

放而下備不整理也。左還反其位。毋周下射進。

右還而反東面也。君在阼，還周恐背之。

坐橫弓，覆手自弓上取一个，兼諸附與順羽，且

左還，毋周反面揖。亦以東西為橫也。覆手自弓上取矢，以卻左手執附，右手

從表取之，便也。此既拾取矢，捆之。捆，齊兼挾乘

矢，皆內還，南面揖。上射左還，下射右還，皆鄉內也。不皆右還，亦以君在阼恐

背之也。適楅南，皆左還，北面揖。摯三挾一个。楅南，鄉當

楅之也。揖，以耦左還，上射於左。以，猶與也。教氏繼公曰：以，如以賓

升之以，謂上射以其耦左還也。此左還者，上射先而下射後。士讓按上射於左，鄉射作右。

退者與進者相左相揖還退釋弓矢于次說決
拾襲反位。二耦拾取矢亦如之。後者遂取誘射
之矢兼乘矢而取之以授有司于次中皆襲反
位。後者下耦之下射也。有司即納射器者。因留
主授受之。望溪方氏曰鄉射三耦自始至
終皆取矢執弓立而俟。大射則取矢退釋弓矢
反位。何也。有司教射宜使久立待事以固其筋
骸將祭擇士則宜休其神氣使盡志於當射之時也。司射作射如初。一耦
揖升如初。司馬命去侯。負侯許諾如初。司馬降
釋弓反位。敖氏繼公曰如初亦適次作上耦也
其異者三耦于既作乃袒決遂取弓

矢耳。司射既作，
即反位，不俟之。

右再請射

司射猶挾一个去扑，與司馬交于階前，適昨階

下北面，請釋獲于公。

猶挾者，備尚未知，當教之也。士讓按初射，但言獲

而未釋獲，此請釋獲，乃更端之事。其挾一个者，亦所以起耦射者之觀瞻，而作其志氣。公

許反摺扑，遂命釋獲者設中以弓爲畢，北面。

北面

立所設中之南，當視之也。鄉射禮曰：設中，南當楅，西當西序。士讓按此，與上節設楅，皆以弓爲畢，見威儀之肅也。鄉射亦有設楅，設中而不云以弓爲畢，或互見，或鄉射禮輕，威儀不備歟。

大史釋獲。小臣師執中，先首坐設之，東面退。太史實八算于中，橫委其餘于中西，興共而俟。

先猶

前也。命大史而小臣師設之，國君官多也。是時大史位于中西，小臣師退反東堂下位。鄉射禮曰：橫委其餘于中西，南末。士讓按鄉射禮釋獲者執鹿中，一人執算以從之。此不言執算者，疏以爲太史使人司射西面，命曰：中離維綱，揚執之，不言可知也。

觸捆復，公則釋獲，衆則不與。

離，猶過也。獵也。侯有上下綱，其邪制

躬舌之角者爲維，中離維綱，或離維或離綱也。揚觸者，謂矢中他物，揚而觸侯也。捆復，謂矢至侯不着而還復。復，反也。公則釋獲，優君也。衆當中鵠而著。敖氏繼公曰：離，麗也。中而麗於維

綱言其去鵠遠也。望溪方氏曰：捆謂植之橫於上者，仰觸於捆，下落而經正鵠也。士讓按：綱綴於舌，而末結於維，維綴於植，統言之，俱可云綱。故鄉射於繫時，說時俱止云綱，而不及維也。唯公所中，中三侯皆獲。值中一侯，釋獲者命小史。小史命獲者，傳告服不氏，以下知之也。司射遂進由堂下，北面視上射。命曰：不貫，不釋。上射揖，司射退反位。貫，猶中也。射不中鵠，則不釋算。望溪方氏曰：以耦告，則先公卿大夫而後及三耦。尊卑之序也。取矢以射，則三耦先公卿，并先君仍前誘射之義也。不貫不鼓，不釋，賓與公卿之所同。而於三耦，命釋獲者坐取中之八算，改實之，言各有當也。

八算興執而俟。

執所取算。

乃射。若中則釋獲者每一

个釋一算。上射於右。下射於左。若有餘算則反

委之。

於右者南。於左者北。委餘算。禮尚異。委之合於中西。

又取中之八算。

改實八算于中。興執而俟。

每耦皆然。氏曰。若以黨較勝負。石谿官

第分左右射。釋獲足矣。今反委餘算。又取中之八算。改實八算。其為逐耦較勝負也明甚。

右再射。釋獲。

三耦卒射。賓降取弓矢于堂西。

三耦卒射則適次。反位賓不敢

與君並俟。告取弓矢以升。下文公將射。賓乃復降而更升。士讓按賓當三耦卒射則射事知

將至矣。自降者，臣道也。降取遂升者，待君堂上也。

諸公卿則適次，繼三

耦以南。

言繼三耦明在大夫北。

三禮館議：鄉

未就射位也。此公卿降就射位，以有次故也。

公將射，則司馬師命負

侯，皆執其旌以負其侯而俟。

君尊，皆始焉。士讓按古者文武一

途，道藝一貫。國君當為世子時，與國子春合諸學，秋合諸射。小學在公宮南之左，大學在郊，則郊學射宮。乃君公所嫻肄者。迨後，幼同學者，升為公卿為大夫。儲君既承宗廟之重，將擇士以祭，一時之世臣故舊咸在。故春官云：以賓射之禮親故舊朋友。射禮之立，賓主蓋以親之也。

司馬師反位，隸僕人埽侯道。

新之。司射去扑，適阼

階下告射于公。公許。適西階東。告于賓。遂摺扑。

反位。

告將射也。御于公。此則臨射而復告其候。

士讓按上已命賓。

小射正一。

人取公之決。拾于東。站上一小射。正授弓。拂弓。

皆以俟于東堂。

授弓當授大射正。拂弓為去塵。大射正一人。小射正則二人。敖

氏云。授當作受。受弓者受於有司也。未知是否。

公將射。則賓降適堂西。

袒決遂。執弓。摺三挾一个。升自西階。先待于物

北。北一筈。東面立。

凡此皆賓不敢與君併也。筈矢幹長三尺。退于物北一筈。

遠下君。亦由司馬當由物後。而適物閒也。東面立。鄉君也。司馬升。命去侯。如

初還右乃降釋弓反位

還右圍右物也不還左者以君爲下射也昔未

立于物而先辟之敬也

公就物小射正奉決拾以筈大射

正執弓皆以從於物

筈崔韋器決拾在站上時宜用筈至是始見之耳大

射正暫舍司正之職而爲君執弓重其事也弓射器之主

小射正坐奠筈于

物南遂拂以巾取決興贊設決朱極三

極猶放也所以

韜指利放弦也以朱韋爲之三者食指將指無名指也無極而放弦契於此指多則痛小指短不用君極朱而用三臣則用二其物色未聞

小臣正贊袒公袒朱襦

卒袒小臣正退俟于東堂小射正又坐取拾興

贊設拾以筈退奠于坫上復位。既祖乃設拾拾當以鞞襦上鄉

射云祖決遂以其無襦故遂與決俱時設若大

夫對士射祖纁襦設遂亦當在祖後士讓按

為敬而袒太露則褻大夫袒猶着纁襦故君雖

袒猶着朱襦且便於設拾相將也君物色皆朱

朱極三其類也大射正執弓以袂順左右隈上再下壹

左執弣右執簫以授公公親揉之順放之也隈

之觀其安危也穆亭李氏曰考工記弓人職

和弓敵摩注般拂也將用弓必先拂之摩之然

則順左右隈者拂之也揉之小臣師以巾內拂

者摩之也皆所以和其弓也

矢而授矢于公稍屬內拂恐塵及君也稍屬者

君尊不搢矢稍與發矢時

禮記集說卷一百一十五 大射儀

相連屬每於將發之節則校之。穆亭李氏曰

髮官大僕職王射則贊弓矢。繕人職掌詔王射

贊王弓矢之事。彼王禮此侯禮。蓋以大射正立

大射正當大僕小臣師當繕人歟。

于公後以矢行告于公。若不中使君當知而改度。下曰留上

曰揚左右曰方。留不至也揚過去也方出旁也。

穆亭李氏曰夏官射人職王射則立于後以矢

行告諸侯之大射正即天子之射人可見矣。

望溪方氏曰不中而以其矢告俾君自省以勉

於後也。人君於事物之理不中常若不自知射

失其宜而不中則易明于心亦所以示君當繹

思已過也。事近而義深矣。士讓按司射命射

之辭皆為三耦公卿大夫士衆耦命也而君之

尊不可以命故大射正立于公後以矢行告所

謂侍射也。必立于公後者，近其事，得詳審。又事專為公，非與眾共聞者。**公既發大**

射正受弓而俟，拾發以將乘矢。注云：公下射也。而先發不留，尊

也。敖氏云：俟者，將復援之也。云拾發以將四矢，則是賓先公後，亦如其他上下射之為。**士讓**

按注云：不留，則非拾發矣。敖說為優。**公卒射，小臣師以巾退，反位。**

大射正受弓。受弓以授有司于東堂。**小射正以筭受決拾，**

退奠于玷上，復位。大射正退反司，正之位。先是舍司

正之職而執弓。**小臣正贊襲公還而後賓降，釋弓于堂**

西，反位于階西，東面。未射則先待，已射則後降。臣禮也。階西東面，賓受獻

後禮制解

卷七
大射儀
是

訖所降立之位

公卽席。司正以命升賓。賓升復筵而后

卿大夫繼射。

諸公卿大夫必俟公命升賓。賓升而後繼射者。以賓爲君耦。耦事

未畢。卽君之事未畢也。

士讓按射數中者得

與于祭。亦專指士耦言之。昔公卿大夫雖不中

亦宜得與於祭。方不至於祀事乏人。射而君

後於三耦。則公卿大夫之後於君。序之宜也。諸

公卿取弓矢于次中。袒決遂執弓。搯三挾一个。

出西面揖。揖如三耦。升射。卒射降。如三耦。適次

釋弓。說決拾。襲反位。衆皆繼射。釋獲皆如初。

諸公

卿言取弓矢。衆言釋獲。互言也。反位亦在次。衆有大夫在焉。不分別士與大夫爲耦之儀者。以

君在故耦不得盡其尊大夫之禮

卒射釋獲者遂以所執餘獲

適阼階下北面告于公曰左右卒射

餘獲餘算也司射不

告者釋獲者於是

反位坐委餘獲于中西與共

而俟司馬袒執弓升命取矢如初負侯許諾以

旌負侯如初司馬降釋弓如初小臣委矢于楅

如初

既皆云如初則是司馬者司馬正也坐乘矢者亦司馬師

賓諸公卿大

夫之矢皆異束之以茅卒正坐左右撫之進束

反位

異束公卿大夫矢尊殊之正司馬正也進前也又言束整結之示親也

賓之

矢則以授矢人于西堂下。

不言君矢、小臣以授矢人於東堂可知。

司馬釋弓反位而后卿大夫升就席。

張氏爾岐曰：方司馬

釋弓反位、卿大夫即升席、是升在小臣委矢之前、以上文類言如初、故至此特言之。

右公及諸公卿大夫射。

記

朱子曰：此一節並鄉射記文、今

移在此。君射則爲下射、上射退于物一筈、既發

則答君而俟。

君爲下射者、降尊以就卑、且下射之物在東、亦不失其主位也。

上射、賓也。答君、謂東面立而對之。射時進左手、微背於君、故既射則還對之。俟、待君發也。

君樂作而后就物、君袒朱襦以射。

君尊也。樂謂奏狸首。

君樂作而后就物。小臣以巾執矢以授。以巾亦以樂節多故也。敬不敢褻也。君尊不搯矢不挾矢。授之稍屬也。若飲君如燕則夾爵。謂君射不勝亦飲罰爵也。賓飲君如燕賓勝解于公之禮夾爵者君既卒爵而後自酌也。君國中射則皮樹中以翻旌獲白羽與朱羽粦。國中城中謂燕射也。皮樹獸名以翻旌獲燕主歡心故旌從不命之士而尚文德也。於郊則閭中以旌獲。郊謂大射也。於大學王制曰大學在郊閭獸名如驥一角或曰如驪岐蹄見山海經。於竟則虎中龍旌。於竟謂君射也。畫龍於旌尚文章也。通體皆用絳帛爲之此即賓射。大夫兕中各

以其物獲

兕獸名似牛一角見山海經及爾雅此專據大夫爲文而云各以其

物者公侯伯子男之大夫雖同命數異穆

亭李氏曰此大夫蓋兼孤卿大夫言之孤卿

以通帛之旂大夫以雜帛士鹿中翽旌以獲

之物見司常職文故云各

謂小國之州長也用唯君有射於國中其餘

翽爲旌以獲無物也

否臣不習武事於君側也且君有射於國中

者以於公宮爲之若人臣之家其庭淺隘

器用又未必備故射則君在大夫射則肉袒

必於鄉州之學行焉

上云大夫與士射袒纁襦今與君射爲厭與

士同穆亭李氏曰此蓋不辨上下大夫及

耦於君與否皆肉袒也士讓按此記明制

度辨尊卑別等威昭文章習威儀防凌僭其

義最
悉。

司射適階西釋弓去朴襲進由中東立于中南

北面視算。釋弓去朴亦示假武之義。釋獲者東面于中西坐

先數右獲。固東面矣復言之者少。二算為純一

純以取實于左手十純則縮而委之。純猶全也。

縮從也。於數者東西為從。每委異之。取易枝數。有餘純則橫諸下

又異之也。此以南北為橫。自近為下。一算為奇奇則又縮諸純下

又從之也。興自前適左東面坐坐兼斂算實于左手。

一純以委十則異之。

右獲數畢更端而起由中東就左獲亦東面也但少

北於右獲屬左方耳總斂而後委之變於右以爲敬。

其餘如右獲。

謂所縮所橫者。

司射復位釋獲者遂進取賢獲執之由阼階下

北面告于公。

賢獲勝黨之算也執之者齊而取其餘。

若右勝則曰

右賢於左。若左勝則曰左賢於右。以純數告。若

有奇者亦曰奇。

告曰某賢於某若干純若干奇。

若左右鈞則左

右各執一算以告曰左右鈞。還復位坐兼斂算。

實八算于中委其餘于中西興共而俟。

鄉射告獲并自

西階故復位曰降。此由
昨階下故復位曰還。

右取矢視算

司射命設豐。

當飲不勝者罰爵。

司宮士奉豐由西階升。

北面坐設于西楹西降復位。勝者之弟子洗觶。

升酌散南面坐奠于豐上降反位。

弟子其少者也。獻酬之爵。

皆手授。此罰爵也。士以下皆取于豐。大夫以上手授之而不奠豐尊大夫也。

司射遂

袒執弓挾一个。楮扑東面于三耦之西。命三耦

及衆射者。勝者皆袒決遂執張弓。

執張弓示能用之也。右手

挾弦。不勝者皆襲說決拾卻左手。右加弛弓于其

上。遂以執弣。固襲說決拾矣。復言之者。起勝者之志也。不勝者執弛弓。言不能用

之也。兩手執弣。無所挾也。司射先反位。居前俟所命來飲。三耦及衆

射者皆升。飲射爵于西階上。注云。不勝之黨無不飲也。疏云。大射

擇士以助祭。適而不在不勝之黨。雖數中亦受罰

及論其藝。雖飲射爵亦得助祭。或但在勝黨不

飲罰爵。若不數中亦不得助祭。蓋飲據一黨言

之。助祭則取一身之藝也。石谿官氏曰。經文

統言之耳。果如注疏所云。射中多者得與於祭

中少者不得與於祭。而反浮其與於祭者。愆義

失實莫甚焉。今以經上下文觀之。司射命勝者

皆執張弓。不勝者皆執弛弓。小射正作升飲者

如作射。未見其以黨較勝負也。蓋各耦之勝負。釋獲者。每一個釋一算。其不中者。不釋。能否昭然矣。及卒射而告于公。不能遍舉其耦也。故第舉其凡曰。左賢于右若干。右賢于左若干。左右不能相賢。則曰鈞。是措詞之體應爾。曰賢者。言其獲之數較多也。曰鈞者。言其獲之數適鈞也。假如算八十籌。獲者釋之。其不獲者反委之。其右所釋之算二十。其左所釋之算亦二十。是鈞也。而反委之算四十焉。其右所釋之算二十。其左所釋之算二十有五。是左賢于右也。而反委之算三十有五焉。其反委者。其不獲者也。故不獨賢者有勝負。鈞者亦有勝負。賢與鈞。專指獲者之算而言也。舉其長而匿其短。見鼓舞之多。術。勝負。則兼獲與不獲之算。逐耦而較之者也。罰不遺乎貴近。見藝能之必精。不得其解。謂不勝之黨。無不飲。謂雖飲亦得與祭。又誤解左右。

鈞為左右皆中併無罰爵之事于經之本義荒矣。

小射正作升飲射爵

者如作射一耦出揖如升射及階勝者先升升

堂少右

先升尊賢也少右辟飲者凡獻酬之禮

溪方氏曰鄉射云一耦進以立於中不勝者進北

中之西南也此日出以位在次中面坐取豐上之觶興少退立卒觶進坐奠于豐

下興揖

立卒解不祭不拜受罰不備禮也右手執觶左手執弓

不勝者先

降

後升先降畧之不由次也降而少右復並行

與升飲者相左交于

階前相揖適次釋弓襲反位

反位而俟第三番射之命僕人

師繼酌射爵取觶實之反奠于豐上退俟于序

端。僕人師酌者君使之代弟子也自此以下辯爲之酌。升飲者如初三耦

卒飲若賓諸公卿大夫不勝則不降不執弓耦

不升。此耦謂士也大夫或闕士爲之耦者不升其諸公卿大夫之相爲耦者不降階重恥

也僕人師洗升實觶以授賓諸公卿大夫受觶

于席以降適西階上北面立飲卒觶授執爵者

反就席。降謂降席西階上立飲不以已尊枉正罰也授爵而不奠豐尊大夫也。若

飲公則侍射者降洗角觶升酌散降拜。侍射賓也飲君

則不敢以爲罰。從致爵之例也。角觶卽兕觥。罰爵以兕角爲之。容三升。此謂賓自酌用之。下文飲君則用象觥。從獻賓之爵。而不敢用罰爵。穆亭李氏曰。不言不勝。而曰飲公。臣子之辭也。

公降一等。小臣正辭。賓升再拜稽首。公答再拜。賓坐祭卒爵。再拜稽首。公答再拜。賓降洗象觥。升酌膳以致。下拜。小臣正辭。升再拜稽首。公答再拜。公卒觶。賓進受觶。降洗散觶。升實散。下拜。小臣正辭。升再拜稽首。公答再拜。賓復酌自飲者。夾爵也。但如致爵。則無以異於燕也。故夾爵。公降一等。以下與賡觶之禮同。升酌膳以致者。亦奠于薦南。

公卒解以後與勝解之禮異。所以謂之射爵。
望溪方氏曰。公酬賓。賓再拜稽首。公答一拜。至
飲射爵。賓致爵。則答再拜者四。不惟答賓之親
獻及夾爵。亦陰以示事有未當。雖尊者宜為理
屈。重自抑下。所
以養成君德也。賓坐不祭。卒解降奠于篚。階西
東面立。射爵。不祭。象擯者以命升賓。賓升就席。擯者

也。若諸公卿大夫之耦不勝。則亦執弛弓特升

飲。此耦亦謂士也。特猶獨也。以尊為耦。而又不

勝。使之獨飲。若無倫匹孤賤也。敖氏云。比耦

之時。大夫有與士為耦者。諸公卿則無之。諸公卿字疑衍。衆皆繼飲射爵。如
三耦射爵。辯乃徹。豐與解。徹。謂司宮士及豐于
堂西。僕人師友解于

右飲不勝者

司宮尊侯于服不之東北兩獻酒東面南上皆加勺設洗于尊西北籩在南東肆實一散于籩。為三侯獲者設尊也。言尊侯者獲者之功由侯也。兩獻酒者司馬正司馬師所酌各一壺歟。南上尊司馬正也。服不氏於天子為下士。則此亦士旅食者與。散爵名。容五升。敖氏繼公曰。上言獲者之尊。此云尊侯。上言大侯之乏。此云服不。文互見。此所設尊洗。卽篇首所言者。文有詳略。以設與未設。而異其稱耳。司馬正洗散。遂實爵獻服不。言

不者著其官尊大侯也。服不司馬之屬掌養猛獸而教擾之者服不為大侯之獲者故先獻洗酌皆西面。穆亭李氏曰鄉射不為獲者設尊者衆耦之中有鄉人而獲者亦鄉人也不妨與之同服不侯西北三步北面拜受爵。得獻由侯而近侯司馬正西面拜送爵。友位。注云不侯卒獻之。司馬正西面拜送爵。友位。爵者畧賤也此終言之獻服不之徒乃反位。張氏爾岐曰服不之徒或在司馬師所獻之中耳。注可疑。宰夫有司薦庶子設折俎也。鄉射記曰獲者之俎折脊。卒錯獲者適右个薦俎從之。此獲者即言獲者見服不亦在乏而獲也。有司與庶子既錯薦俎於地獲者執爵適右个右个東方也。適

右个必由侯內明此獻歸功於獲者左執爵右

祭薦俎二手祭酒祭俎不奠爵不備禮也二手

為侯祭於豆閒爵反注為一手不能正也士

讓按二手祭酒通經無此祭法惟敖氏云為散

大酒多一手注之難適左个祭如右个中亦如

為節也似得禮意

之先祭个後祭中者以外即之至中若神卒祭

在中鄉射禮曰獻獲者俎與薦皆三祭

左个之西北三步東面之位也設薦俎立卒爵

不言不拜既爵司馬正已反位不拜司馬師受

可知鄉射禮曰獲者薦右東面立飲

虛爵洗獻隸僕人與巾車獲者皆如大侯之禮

隸僕人埽侯道。巾車張三侯及參侯于侯之獲者。其受獻之禮如服不也。隸僕人巾車於服不之位受之。功成於大侯也。卒。司馬師受虛爵。奠不言量人者。及之可知。于篚。獲者獲者皆執其薦。庶子執俎從之。設于之少南。少南為復射妨旌也。隸僕人巾車量人自服不而南。服不復負侯而俟。

右獻服不獲者

司射適階西去扑。適堂西釋弓。說決拾襲適洗洗觚。升寶之。降獻釋獲者于其位少南。去扑者扑不升

堂也。釋弓併釋矢。鄉射有矢字。洗觚升實之。蓋
釋獲者尊於獲者。故酌上尊獻釋獲者于釋算
之所。是其文也。獻獲者于侯西北面。其武也。少
南者辟中。士讓按獲者乃旅食者耳。釋獲者
則太史也。獲者唱獲。乃役事也。釋獲者釋算有
課成之責焉。然必先獻獲者。而後獻釋獲者。射
必由獲而後釋。薦脯醢折俎皆有祭。俎與服不
獲。其序則然。薦脯醢折俎皆有祭。同。惟祭一
為異。不言所設之人。釋獲者薦右東面。拜受爵。
蓋有司與庶子與。

司射北面拜送爵。釋獲者就其薦坐。左執爵。右
祭脯醢。興取肺坐。祭遂祭酒。興司射之西北面
立卒爵。不拜既爵。司射受虛爵奠于篚。釋獲者

少西辟薦反位。

辟薦亦辟俎也。少西者為復射妨司射視算。

右獻釋獲

司射適堂西、袒決遂、取弓挾一个、適階西、搯扑

以反位。

為將復射。

司射倚扑于階西、適阼階下北面

請射于公如初。

不升堂賓諸公卿大夫既射矣聞之可知。

反搯扑適

次、命三耦皆袒決遂執弓序出取矢。

歸言拾此言序互言

耳

司射先反位。

言先先三耦也司射既命三耦以取矢之事即反位望溪方

氏口方命三耦取矢即反位與再射異何也再射司射之事皆在次中三射則事在庭中不得

下先反位也。再射止見大夫庶士次中之儀而
未見其取矢于楅之儀。至是始一一監視之。

三耦拾取矢如初。小射正作取矢如初。

小射正司射之

佐作取矢

三耦既拾取矢。諸公卿大夫皆降。如

初位與耦入於次。皆袒決遂執弓。皆進當楅進。

坐說矢束。上射東面。下射西面。拾取矢如三耦。

皆進當楅進。三耦揖之位也。凡繼射命耦而已。

不作射。不作取矢。從初。

士讓按降如初位。三

耦南之位也。注云繼射謂繼三耦而射。從初。謂

從三耦之法。繼射者皆從耦法。故不再命之。
若士與大夫爲耦。士東面。大夫西面。大夫進坐。

說矢束退反位。

說矢束自同於三耦者謙也。

耦揖進坐兼取

乘矢與順羽且左還毋周反面揖。

兼取乘矢不敢與大夫拾。

大夫進坐亦兼取乘矢如其耦北面摺三挾一

个揖進大夫與其耦皆適次釋弓說決拾襲反

位諸公卿升就席。

大夫反位諸公卿乃升就席大夫與已上下位耳後揖進

之進當作退鄉射云揖退是也。

士讓按坐說

矢束自謙以下士士兼取乘矢致讓以尊大夫

自是耦之矢俱已摺挾大夫無所與

拾者矣故亦兼取乘矢如其耦也。衆射者繼拾取矢皆如三耦遂入于次釋弓矢說決拾襲

反位。

或言適次。或言入于次。互文以見其同也。上經大夫降適次。注謂次前西面立。其非

經義。

司射猶挾一个以作射如初。一耦揖升如

初。司馬升命去侯。負侯許諾。司馬降釋弓反位。

右三請射

司射與司馬交于階前。倚扑于階西。適阼階下。

北面請以樂于公。公許。

至三射而後請以樂者。中應樂節。乃射者所難。

君子取人有漸。終乃期之。

穆亭李氏曰。鄉射

請以樂樂于賓。此不言樂賓。賓卑也。

士讓按

大射。凡告卒射。請釋獲等事。皆

司射反摺扑東

請于公。而不干賓。皆同此義。

司射反摺扑東

面命樂正曰命用樂。

言君有命用樂射也。樂正

之。樂正曰諾。司射遂適堂下北面。眡上射。命曰

不鼓不釋。

不與鼓聲相應。不釋算也。凡射之鼓

以下為投壺節。盡用之為射節。其大概也。

上射

周禮射節。天子九諸侯七卿大夫以下五。揖。司射退反位。樂正命大師曰。奏狸首。閒若一。

樂正北面受命。左還東面。命大師以大射之樂

章。使奏之也。狸首。逸詩。閒。若一者。調其聲之疏

數。或希或密。必如一。重節也。穆亭李氏曰。狸

首。注以為逸詩是也。既逸矣。何又以魯孫當之

乎。劉氏微云。狸首。鵲巢也。蔡文狸似鵲。首似巢。

駒。虞采蔡采蘋皆二南。則狸首亦必其儔。今案

射節之詩不可太長。不過三四句而止。以騶虞
采蘋采蘋之類求之。則劉說或然。士讓按經
賦名。射之量。侯道以狸步。取其發必中。則奏樂
之意亦如之。諸侯節以狸首。與天子節以騶虞
皆取其于獵射之義為近。與注舉射義。曾孫侯
氏四正具舉數句。以實之。訓狸為不來。首為諸
侯首。不朝之說。蓋惑于考工記祭侯之辭。以射
侯為射不寧侯。而附會其指。歟。是皆非仁人君
子之言也。大師不興許諾。樂正反位。奏狸首以射。
耦卒射。賓待于物如初。公樂作而後就物稍屬。
不以樂志。其他如初儀。卒射如初。不以樂志。君
從心。發不必應節。避不敏也。其他賓就席。諸公
蓋謂贊決贊袒及授弓受弓之等。

卿大夫衆射者皆繼射。釋獲如初。卒射降反位。
釋獲者執餘獲進告左右卒射如初。就席繼射
皆如初也。降反位指衆射之最後
者而言以見釋獲者升告之節。

右三射用樂

司馬升命取矢負侯許諾。司馬降釋弓反位。司馬
反位而後卿大夫
就席當與上經同
小臣委矢。司馬師乘之皆如
初。司射釋弓視算如初。釋獲者以賢獲與鈞告
如初復位。

右取矢視算

司射命設豐實解如初。遂命勝者執張弓，不勝

者執弛弓，升飲如初。卒退豐與解如初。司射猶

袒決遂左執弓，右執一个，兼諸弦，面鏃。適次，命

拾取矢如初。上方持弓矢曰挾，以將射也。此側持弦矢曰執，將止變於射也。面，猶

尚也。兼矢於弦，尚鏃皆為射將止。司射反位，三耦及諸公卿大

夫衆射者，皆袒決遂以拾取矢如初。矢不挾，兼

諸弦，面鏃。亦如司射。退適次，皆授有司弓矢，襲反位。

三禮館議鄉射退後已矢于堂西此則于次鄉射不云反位者遂止於堂西也此反位反次中之位卿大夫升就席亦反西方之位前大夫不敢與公卿同升者射事未已也此射司射適次

釋弓說決拾去扑襲反位石銘官氏曰自司射請射至此言袒言襲

皆相對立文據鄉射記君袒朱襦以射君在大夫射則肉袒袒或露衣或露臂其為捲禮服之袂則一也因捲其衣袂而謂之袒則揜其衣袂而謂之襲從可知矣因是而推之聘禮執玉無藉則襲其為揜禮服之袂昭然矣揜其禮服之袂不露其裏衣之美記故云充美也執玉有藉則裼其為捲禮服之袂更昭然矣捲其禮服之袂以露其裏衣之美記故云見美也袒與裼同

義故詩言袒裼暴虎孟子言袒裼于我側內則
言不有敬事不敢袒裼合言之者不一而足大
抵行禮之儀有敬事役事則袒事畢則襲以文
爲貴則裼以質爲貴則襲儀取其相變義取其
相稱只在衣袂一開一掩俄頃之間如升降進
反拜興揖讓等儀雖纖細而可觀繁委而易行
也若如禮家之說免上衣曰裼加上衣曰襲以
聘禮執玉言之接受須臾不下堂不入次易服
將於何所或又謂袒衿前裏衣爲裼揜之爲襲
夫所以開掩衣袂者因有事於手而爲容耳於
衿何取乎袒與裼與襲之義明則論語衣以裼
裘之義亦明友人蔡宸錫嘗主是說向未敢信
今以射禮袒襲之說徵之果然司馬正命退榻
講家紛紜皆由不細玩經文耳

解網小臣師退榻巾車量人解左下網司馬師

命獲者以旌與薦俎退。司射命釋獲者退中與。

算而俟。

諸所退射器皆俟。備君復射。釋獲者亦退其薦俎。三禮館議。此禮與鄉射異。

者。官備儀多。其執事之人。鄉射惟司射一人。此

則有大射正。有射人。而敖氏謂諸侯大射正上

士二人。射人亦大射正也。小射正且有數人。鄉

射惟司馬一人。而司馬兼司正。此則司正不為

司馬。而別有司馬正一人。師一人。鄉射獲者惟

一人。此則服不主大侯。又有二侯之獲者。及三

侯相代而獲者三人。鄉射釋獲者惟一人。此則

有大史。又有小史。鄉射執事皆以弟子。此則三

耦以士。納器以有司。張侯以量人。巾車設楅以

小臣。師取矢以小臣。設豐以司宮士。其執射者

者。鄉射以贊者。此則以僕人師。此外又有畫物

之工。人士梓人。埽物之司宮。埽侯道之隸。僕人

薦服不之宰夫有司。鄉射樂事。不必有大師。此
有大師少師。而與工爲六。惟小樂正始終一人
與飲射禮無異耳。郁郁彬彬於茲可想。士讓
按行禮至三射用樂。日過肝矣。其後行燕禮。至
宵執燭。鄉飲酒記云。朝不廢朝。暮不廢夕。大射
禮大。則非幣一日不可。事事皆云如初。有就熟
之容節焉。有急蹶之精神焉。張子所
云緩辭不足以盡神。亦其一隅也。

右飲不勝者及退射器

公又舉奠觶。唯公所賜若賓若長。以旅于西階。

上如初。大夫卒受者以虛觶降。奠于饋。反位。土讓

按此卽再膳時所奠于薦南之一觶也。今射畢
公爲大夫舉旅焉。其行之之候。與燕禮異者。燕

尚飲酒。故于歌之後笙之前行之。大射主於射。故于射畢行之。既惟公所賜。則或從賓。或從卿。長。或大夫。長。皆未可知。已下經文。義已見燕禮者。釋之不更詳。

右公爲大夫舉旅

司馬正升自西階東楹之東北面告于公。請徹

俎。公許。

射事既畢。禮殺人倦。宜徹俎而燕坐。

遂適西階上北面告

于賓。賓北面取俎以出。諸公卿取俎如賓禮。遂

出。授從者于門外。大夫降復位。

大夫降者。大夫無俎。以賓及公

卿皆送俎。不可獨立於堂。

庶子正徹公俎。降自

阼階以東

降自阼階。若親敵也。以東去藏之。上讓按燕禮以膳宰徹。此以庶子正

徹。大射尤備官也。凡人臣升降由西階。此降自

阼階。示若親敵也。公至尊而後徹者。公有主道

亦如射則

為下射也

右徹俎

賓諸公卿皆入門東面北上。

諸公卿不入門而右者。以將燕亦因

從賓。入門東面。將

與大夫升。宜近之。

司正升賓。賓諸公卿大夫皆

說屨升就席。公以賓及卿大夫皆坐乃安。

鼎命

安。臣於君尚猶踖踖至此。乃敢安。

穆亭李氏

曰。向者立司正。而命曰。以我安。安之。使射也。至

此不待命而云乃安。通繼前文而終言之也。羞庶羞。大夫祭薦。司正

升受命。皆命。公曰衆無不醉。賓及諸公卿大夫

皆興。對曰諾。敢不醉。皆反位坐。皆命者。命賓。命諸公。命卿大夫。

皆。鄉其位也。

右燕

主人洗。酌。獻士于西階上。士長升拜受。解。主人

拜送。士坐祭立飲。不拜。既爵。其他不拜。坐祭立

飲。燕禮云洗升此云洗酌亦互文乃薦。司正與射人于解。南北

面東上。司正爲上。

司正射人土也。先諸人薦亦先受獻。司正大射正也。射人

卽向之爲司射者亦大射正也。惟此一辯獻士人與司正同薦以其爲司射故特異之。

士旣獻者立于東方西面北上。乃薦士。祝史小

臣師亦就其位而薦之。

此獻史蓋小史也。大史釋獲向已受獻。穆亨

李氏曰燕禮祝史在門東此禮初入門大史小史位于千侯之東北祝亦當存焉。

主人

就士旅食之尊而獻之。旅食不拜受爵。坐祭立飲。主人執虛爵奠于篚復位。

右獻士及祝史

賓降洗升媵觶于公酌散下拜公降一等小臣

正辭賓升再拜稽首公答再拜賓受公賜多矣今此爲士舉旅

行酬因得致爵於君禮將終宜勸公序厚意也

士讓按前此賓雖酢主未嘗一報公又臣於

君不可泛以酬酢相將故欲答君而賓坐祭卒

稱爲媵觶者所云奏爵以聽命然也

爵再拜稽首公答再拜賓降洗象觶升酌膳坐

奠於薦南降拜小臣正辭賓升成拜公答拜賓

反位反位反席也士讓按賓坐奠之者若不敢必君舉也觶觶字之誤

右賓媵爵于公

公坐取賓所勝觚與唯公所賜受者如初受酬之禮降更爵洗升酌膳下再拜稽首小臣正辭升成拜公答拜燕禮云升酌膳下拜此云再拜稽首者凡言成拜皆降時已再拜稽首升復再拜稽首故經于此見之望侯方氏曰士不得升坐獻與酬必俟公卿大夫升坐之後等威之辨嚴矣而公爲士舉旅坐取賓所勝爵以次而及於士敬禮不殊於公卿大夫此士之報禮所以至於忘身亡家也士讓按受者既謝君之惠及已又將推君之惠及下故更爵而不敢襲爵酌膳而不仍乃就席坐行之酌散於事上逮下義兩得之有執爵者唯受于公者拜司正命執爵者爵辭

卒受者與以酬士。大夫卒受者以爵與。西階上酬士。士升大夫奠爵拜。士答拜。大夫立卒爵。不拜。實之士拜受。大夫拜送。士旅于西階上。辯士旅酌。望溪方氏曰。祭祀有旅酬。所以盡賓主之敬。又以使族姻鄉黨情意周浹。而潛消其怨爭鬭辨之萌。燕大射有旅酬。所以溥君公之恩。又以使少長尊卑分誼詳明。而卽是爲協恭和衷之本。聖人緣情制禮。徧布周密。本末無該。而一以貫之如此。

右公爲士舉旅

若命曰復射。則不獻庶子。

獻庶子。則正禮已畢。後無事。故將復射。則

未獻。司射命射。唯欲射。不賓及諸公。卿大夫射。欲則也。然則正射之時。自諸公以至於士。無不與射者矣。士讓按燕禮有燕射。如鄉射之禮。此大射三番已畢。徹俎行燕。其命復射者。亦此意。卿禮不盡人之歡。故君雖有後命。而臣唯所欲。卿大夫皆降。再拜稽首。公答拜。拜君樂與臣下執賓。不與此拜。以其與君為耦射。壹發中。三侯皆否。宜由君不敢從。唯欲之命也。壹發中。三侯皆獲。其功一也。而和者益多。尚歡樂也。矢揚觸。或而已。以其壹發。故雖中。非其侯而亦獲。

右復射

主人洗、升自西階、獻庶子于阼階上、如獻士之禮。辯獻、降洗、遂獻左右正與內小臣皆于阼階上、如獻庶子之禮。左右正謂樂正僕人正。或曰左右正未詳何官。蓋君之近官也。內小臣奄人。后夫人之官也。獻三官於阼階。別內外臣也。同獻更洗以時事不聯也。獻正下及內小臣則磬人鍾人鐃人鼓人僕人士盡獻可知也。庶子內小臣位在小臣師之東。少退上。

右獻庶子左右正內小臣

無算爵士也。有執膳爵者。有執散爵者。執膳爵

者酌以進公。公不拜受。執散爵者酌以之。公命所賜。所賜者興受爵。降席下奠爵。再拜稽首。公答再拜。受賜爵者以爵就席坐。公卒爵。然後飲。執膳爵者受公爵。酌反奠之。受賜者興授執散爵者。執散爵者乃酌行之。唯受于公者拜。燕氏繼公曰。受賜之下。卒爵者興以酬士于西階上。士升當有爵字。大夫不拜。乃飲實爵。士不拜受爵。大夫就席。士旅酌亦如之。公有命徹。則賓及諸公卿大夫

皆降西階下北面東上再拜稽首公命小臣正
辭公答拜大夫皆辟升反位士終旅於上如初
凡小臣正辭皆公命之至是乃終言之無算樂
唯意所樂士讓按唯意所樂必出自君意非出自臣意宵則庶子執燭於阼階上司宮執燭
於西階上甸人執大燭於庭閹人爲燭於門外

詳見燕禮

右無算爵

賓醉北面坐取其薦脯以降奏咳

敖氏繼公云賓入奏肆夏

出矣。咳。夏。遠。辟。王。朝。之。禮。也。賓。所。執。脯。以。賜。鍾。

大。司。樂。職。曰。賓。出。入。奏。肆。夏。賓。所。執。脯。以。賜。鍾。

人。于。門。內。霽。遂。出。卿。大。夫。皆。出。公。不。送。公。入。驚。

驚。夏。亦。樂。章。也。以。鍾。鼓。奏。之。其。詩。今。亡。此。公。出。

而。言。入。者。射。官。在。郊。以。將。還。爲。入。燕。不。驚。者。於。

路。寢。無。出。入。也。大。司。樂。職。曰。大。射。王。出。入。

奏。王。夏。此。入。奏。驚。出。不。奏。避。天。子。之。禮。

右。賓。出。公。入。士。讓。按。大。射。於。郊。將。擇。賢。以。助。

右。大。射。儀。

凡。四。十。四。節。經。文。止。

儀禮紉解卷之七終